



ԱՄԱՆՈՐԻ ՀԱՆԴԻՍՈՒԹՅՈՒՆ ՀՈԳԵՎՈՐ ԾԵՄԱՐԱՆՈՒՄ

Ամանորը խինդ ու ուրախություն է բերում մարդկանց, ցնծության արթունք սփռում բոլոր սրտերին:

Կյանքի այս տոնի նկատմամբ անտարբեր չի մնում նաև Մայր Աթոռ ու Էջմիածինը:

Արդեն ավանդույթ է դարձել Մայր Աթոռի միաբանության, պաշտոնետության և հոգևոր ճեմարանի ուսանողական և դասախոսական կազմերի համար Նոր տարին դիմավորել միասին, ինչպես նախանձելի համերաշխություն ունեցող մի ընտանիք, հոգևոր ճեմարանի հարկի տակ:

Այս տարի նույնպես չի խախտվում այդ ավանդույթը:

Տոնականորեն զարդարված դահլիճը սպասում է Հայոց Հայրապետի օրհնաբեր ժամանումին:

Ժամը 20-ին, խանդավառ ծափողջույնների մեջ, դահլիճ է մտնում Վեհափառ Հայրապետը և օրհնում Մայր Աթոռի բարիքներով զարդարված Ամանորի սեղանը: Հայոց Հայրապետի կողքին տեղ են գրավել Գերագույն հոգևոր խորհրդի և Մայր Աթոռի միաբանության անդամները, հոգևոր ճեմարանի դասախոսական կազմը:

Հնչում է Հայաստանի պետական հիմնը:

Ամանորյա շնորհավորական սրտագին խոսք է ասում հոգևոր ճեմարանի տեսուչ տ. Արիս Ծ. վրդ. Ծիրվանյանը՝ հանուն հոգևոր ճեմարանի շնորհավորելով Հայոց Հայրապետի Նոր տարին ամենաջերմ բարեմաղթություններով և շնորհակալություն

հայտնում հայրապետական այն հոգածության և գուրգուրանքի համար, որոնցով Ն. Ս. Օծությունը շրջապատել է հոգևոր ճեմարանը՝ որպես Իր սրտի մոտ կրթական-հոգևոր հաստատություն:

Ապա տեսուչ վարդապետի հրավերով խոսք է առնում Հայոց Հայրապետը՝ Ամանորի ստիժիկ Իր պատգամը և օրհնությունը տալու Մայր Աթոռի միաբանությանը, հոգևոր ճեմարանի դասախոսական կազմին և ուսանողությանը՝ թելադրելով, որ անկտրոնում հավատքով և լավատեսությամբ շարունակեն ծառայել ամենայն հայոց սրբություն սրբոց Մայր Աթոռ ու Էջմիածնին, մեր վերածնված մայր հայրենիքին և հայ ժողովրդին, որ ի հայրենիս և ի սփյուռուս աշխարհի, հոգևոր-եկեղեցաշեն ու հայրենակներ՝ նոր աշխատանքներով՝ ի պայծառություն մեր սուրբ եկեղեցու, ի բարօրություն հայրենյաց և ի խաղաղություն աշխարհի:

Հայոց Հայրապետն Իր հավատքի և լավատեսության սրբազան կրակով խանդավառում և ոգեշնչում է բոլոր ներկաներին՝ նվիրումով իրենց աշխատակցության բաժինը բերելու համար Մայր Աթոռի հոգևոր, մշակութային, կրթական, վաճառական-վերանորոգչական ու կազմակերպչական հետագա բոլոր աշխատանքներին, ինչպես նախորդ տարիներին:

Այնուհետև հոգևոր ճեմարանի ուսանողության անունից Հայոց Հայրապետին ուղղյալ շնորհավորական և որդիական ե-

րվախտագիտության խոսք է ասում Գ լսարանի ուսանող Վաչե արկ. Նալբանդյանը:

Վեհափառ Հայրապետի պատգամով և օրհնության խոսքով ավարտվում է հանդեսի Ա մասը:

Սեղանի օրհնությանը սկսվում է Ամանորի ճաշկերույթը և հանդեսի Բ՝ գեղարվեստական մասը, որը ղեկավարում է հոգևոր ճեմարանի ավագ վերակացու Սարգիս արկ. Սարգսյանը:

Ընդհանուր խանդավառության մեջ Մայր Աթոռի հարատևման և Վեհափառ Հայրապետի կենաց արևշատության համար առաջին և միակ բաժակը բարձրացնում է տ. Հուսիկ եպս. Սանթրոյանը: Բոլորը հուտրեկաշտ միանում են այդ առաջարկին՝ բարեմաղթություններով:

Հանդիսության ոգևորությունն ավելացնում են հոգևոր ճեմարանի սաները՝ ղեկավարությանը եվրոպական երաժշտության դասախոս Խորեն Մեյխանեջյանի՝ երգելով «Գարուն Երևան» և «Սեղանն է առատ» երգերը:

Ապա Գ լսարանի ուսանող Գրիգոր արկ. Զմրուխտյանը կարդում է Ամանորի տոնի առթիվ գրված զվարթ ու մերթ դիպուկ բանավոր կաղանդչեքերը:

Հոգևոր ճեմարանի «Զվարթնոց» էստրադային նվագախումբը կատարում է մի շարք ուրախ երգեր:

Այնուհետև հանգչում են դահլիճի բոլոր

լույսերը, և խորհրդավոր մթության մեջ շարքով ներս են մտնում Գ լսարանի ուսանողները, վառված մուսերը ձեռքերին, ու տեղ գրավում երգեհոնի մոտ՝ անգլերեն լեզվով կատարելու համար Ծննդյան մի քանի երգեր:

Սարկավագներից մեկն ընթերցում է Ղուկասի Ավետարանից Քրիստոսի ծննդյան պատմությունը (Բ 1—20):

Ժամը 10.30-ին Վեհափառ Հայրապետը, մի անգամ ևս շնորհավորելով բոլոր ներկաների Նոր տարին, հրաժեշտ է առնում և մեկնում:

Ճեմարանի հարկի տակ շարունակվում է խիհղն ու ուրախությունը, մինչև կեսգիշեր, ժամը 12-ը:

Նոր տարի է արդեն: Գիշերվա լույսյան մեջ 365 անգամ դողանջում են Մայր տաճարի զանգերը՝ ավետելով Հայոց աշխարհի վրա արևածագը նոր օրերի:

Մայր Աթոռի միաբաններն ու ուսանողները բարեպաշտ երկյուղածությամբ մտնում են Մայր տաճարից ներս, համբուրում Իջման ս. սեղանը, կատարում իրենց ուխտն ու աղոթքը և միաբերան արտասանում Տերուհանկան աղոթքը, «Պահապան ամենայնի»-ն և երգում «ՏԵՐ ողորմեա»-ն:

Աղոթքով և Ամանորի խոհերով լիցքավորված ուսանողները վերադառնում են հոգևավոր ճեմարան՝ շարունակելու համար Նոր տարվա ուրախությունները:

